

այդ ժամանակ ռուսական բանակը, որ Հայթիականորեն մտել է թշնամական երկրի խորքը և դարձել զրուծյան տերը, սկսում է նաՀանջել ոչ միայն ռազմադաշտից, այլև լքել նուշնիսկ Կովկասը:

Հավատա՞նք արդյոք, որ ռուսներն այդքան Հեշտ կարող են թողնել իրենց Հաղթանակների դաշտը և Կովկասը:

Հավատա՞նք արդյոք, որ ռուսները միայն ցարերի կամքով էին Կովկաս դալիս, և այժմ, երբ այդ կամքը չկա, վերադառնում են տուն:

Մի՞թե Ռուսաստանը սոսկ Հափաղանց ձգված ռետինն զանգված էր, որ ազատ մնալով Հիմա կծկվում է հոտ, թե՞ ռուս ժողովրդի այդ պատմական ծավալումն ուներ իր ներքին, ժողովրդի մեծ ոգով պայմանավորված իմաստը:

Կովկասի և ընդՀանրապետ Մերձավոր Արևելքի նվաճման ժամանակ ռուս լավագուշն մարդիկ այն միտքն էին Հայտնում, թե Ռուսաստանը կոչված է այդ երկրներում ստեղծել քաղաքացիական ազատ կյանք, արդար իրավակարգ և լինել կոկտուրայի և լուսավորության կրողը:

Ի՞նչ եք կարծում, այդ բոլորը միայն դատարկ ֆրազներ էին, և մենք, որ մինչև այժմ Հավատում էինք, սխալվե՞լ ենք:

Ռուսաստանն ավելի քան մեկ Հարյուրամյակի ընթացքում միլիարդներով փող է գործադրել և անՀամար Հերոսական պատերազմներում միլիոնավոր կյանքեր զոՀաբերել և ստեղծել լայնարձակ մի տերություն, որ այժմ դարձել է ռուսական մեծ Հանրապետություն:

Ի՞նչ եք կարծում, ոչ մի կապ չկա՞ այն միլիոնավոր ռուս մարդկանց և այժմյան ռուսներին միջև: Եվ մեր օրերի ազատ ռուս մարդիկ, որ դեռևս կանգնած են նախորդների եղբայրական շիրիմների վրա, մի՞թե այժմ Հրաժարվում են իրենց ժառանգությունից, Արևելքում իրենց գրաված դիրքից և իրենց ազգային մեծ առաքելությունից:

Մի՞թե այդ երրորդ Հոռոմի անկումը ցավով չի արձագանքվում նրա զավակների սրտերում և մեծ Հայրենիքը պաշտպանություն չի գտնի իր բազմաՀազար գնդերի կողմից. մի՞թե չի ստեղծվի նոր Հզոր շարժում Ռուսաստանի վեՀուվյան, ազատության ու պատվի պաշտպանության Համար:

1918, Հունվար

ՀԱՆԳՑՐԵՔ ՅՐԴԵՅՈՒ

Պատերազմն ինքնին մի վայրենի և բարբարոս երևույթ է: Բայց եթե դա Համարենք վիճելի, մեր՝ Հայերիս և թաթարներիս վերաբերմամբ կան անվիճելի ապացույցներ և՛ մեր վայրենության, և՛ մեր բարբարոսության մասին, երբ որ խաղաղ ժողովուրդները ծառանում են իրար դեմ և կողոպտում ու մորթոտում

միմյանց ամենաանխնա կերպով: Դա Հայ-թաթարական ընդհարումն է: Եվ այդ երևույթն ավելի սարսափելի է դառնում, երբ տեսնում ես, թե որպիսի անտարբերությամբ է նայում այդ ամենին երկու ժողովուրդների ինտելիգենցիան, որը շատ դեպքերում ինքն է առաջ բերում ընդհարում և ինքն էլ մասնակցում նրան:

Կար ժամանակ, երբ ես կարծում էի, թե մենակ թաթարներն են ընդունակ այդպիսի գազանություն: Բայց, ավա՜ղ, ժամանակներն ու անցքերը ապացուցեցին, որ մենք այդ բանում իրարից ետ չենք մնում և, բացի այդ, նույնիսկ աշխատում ենք միմյանց դեմադանցել:

Եվ ահա նույնիսկ այս պահին, երբ ամեն կողմից մեր երկրի վրա են գալիս զինված ուժերը՝ արևելքից Անգլիան, արևմուտքից Գերմանիան, Հյուսիսից բուլղարները, Հարավից թուրքերը և նրանց առաջապահ շահսեվանները, քյուրդերը, չեոսիկները և ազնավների ամեն տեսակ երամաները, մեր «ազատ» և «Հանրապետական» խաղաղ ժողովուրդները՝ Հայերը և թաթարները, վեր են կացել, որպեսզի կողոպտեն և ոչնչացնեն միմյանց:

Այն ժամանակ, երբ մի կողմից մոլթ ուժերը տենդային եռանդով աշխատում են ավելի ու ավելի պառակտում մտցնել այդ ժողովուրդների մեջ, մյուս կողմից տեսնում ես, թե որքան քիչ են մարդիկ, որ վրդովվեին այդ հրեշային, կործանարար և խայտառակ երևույթից և պայքարեին նրա դեմ:

Մի բուռն մտածում ես, իսկ ու՞ր են այն անթիվ մարդիկ, որոնք դեռ երեկ խոսում էին Հանուն ժողովրդի:

Ուզում ես ճշտել. ու՞ր եք դուք, ժողովրդի բարեկամներ, սոցիալիստներ և ոչ սոցիալիստներ ամեն տեսակի և կուսակցության, մի՞թե չեք տեսնում այս հրդեհը, որ լսվում է ժողովրդին, մի՞թե չգիտեք, որ ժողովրդին ամենից առաջ պետք է իր կյանքը, չգիտե՞ք, որ նրան կրակից փրկելը առավել բարձր և ազնիվ գործ է, քան Հեղափոխությունն ու Հանրապետությունը:

Եկեք ուրեմն միասին Հանգցնենք Հետզհետե ծավալվող հրդեհը:

Հրձիգներին Համարենք Կոմկառի բոլոր ժողովուրդների և ամենից առաջ ազատության թշնամիներ և սերտ միաբան կռվի ելնենք նրանց դեմ:

Կատարենք մարդասիրության և ինքնապաշտպանության սրբազան գործը:

Երևակայեցեք, որ մեր մերձավորները, մեր կանայք և երեխաները վառվում են կրակի մեջ, և չդանդաղենք: Հիշենք, որ եթե չչլուսակենք, այն ժամանակ և՛ մեր մերձավորները, և՛ մենք կզոհվենք այդ հրեշավոր հրդեհին և այն ժամանակ կանիծենք և՛ Հեղափոխությունը, և՛ ազատությունը: